



1633_1035.jpg




Le Mercure François. 10, 5

neuil, natif de Poitiers, âgé 23. ans ou environ, apres serment par luy fait de dire verité, enquis des obiets generaux dit qu'il n'est point allié ny domestique d'aucun desdits sieur Duc d'Espernon & Archeuesque, & a eu l'honneur d'auoir esté page du Roy. Enquis suiuant le susdit arrest sur ce qui se passa le iour d'hier entre lesdits sieurs Duc d'Espernon & Archeuesque de Bordeaux, Depose qu'hier à deux heures apres midy il descédit de l'Archeuesché avec ledit sieur Archeuesque; & iceluy sieur entrant en l'Eglise S. André il trouua des Archers du Guet pres ladite Eglise qui le saluerent ciuilement; & comme il fut fort du Chapitre il rencontra au même lieu lesdits Archers & demanda à deux hommes qui les commandoient par quel ordre ils auoient arresté les Religieux qui vouloient entrer dans l'Archeuesché. Ils luy respondirent que c'estoit par l'ordre de Monsieur le Duc d'Espernon, lequel ordre ledit sieur Archeuesque leur demanda, & apres quelque refus ils luy baillerent pour le lire, ce qu'il fit, & lors ledit sieur Archeuesque dit ausdits Archers qu'il s'en alloit à la maison Professe des Peres Iesuites & qu'il ameneroit le Pere Lestrade & autres Religieux & qu'il verroit s'ils l'empacheroient de les faire entrer. Ce fait ledit sieur Archeuesque s'en alla à ladite maison Professe où il trouua le sieur de la Hilliere & l'entre tint quelque temps, & apres il prit ledit Pere Lestrade & s'en alla à l'Eglise de la Mercy


1633_0448.jpg




1633_1036.jpg



1633_0449.jpg



1633_1037.jpg




Le Mercure François. 1037

peau fut à terre ledit sieur Duc d'Espèrnon
leua le baston haut, qui fut cause que ledit
deposant se pressa dauantage avec le sieur
de Rochebrune & vn Prestre que l'on disoit
estre Promoteur dudit sieur Archeuesque de
Bordeaux; mais ils furent repoussez avec plus
de violence, & l'vn des Gardes donna de
la meche allumée dans la barbe & mousta-
che dudit Promoteur: & comme il voulut
passer par vn autre endroit, vn autre des-
dites Gardes donna audit Promoteur
trois coups de fourchette sur quoy ledit
sieur de la Rochebrune ayant dit audit Gar-
de qu'il auoit tort de traiter ainsi vn Pre-
stre ayant la force à la main, à l'instant ledit
Garde tira son espée hors du fourreau à l'en-
contre dudit sieur de Rochebrune; Mais
le sieur Baron de Fargues se mit entre deux
& luy dit, Que voulez vous faire; sur quoy
ledit Garde s'arresta & dit audit sieur Baron
de Fargues, C'est assez ie vous reconnois
bien. Et sur cela le sieur de Gaucour neveu
dudit sieur Archeuesque, voulut se presser
pour voir ce que c'estoit, mais il fut arresté
par vn des Gardes qui luy donna de la poin-
te d'vn mousquet au dessus de l'œil & le
blessa à effusion de sang & en garde le liét
depuis. Pendant lequel temps ledit sieur Duc
d'Espèrnon parlant audit sieur Archeuesque
le deposant ouyt la voix dudit sieur Duc
d'Espèrnon qui parloit bien haut, mais n'en
pouuoit lui qui depose distinguer les paroles,

Xxx


1633_1038.jpg



1633_0450.jpg



1633_1039.jpg




Le Mercure François. 1039

Duc d'Espèrnon & Archevesque de Bordeaux, a respondu que non. Enquis suiuant le susdit arrest sur ce qui se passa le iour d'hier entre ledit sieur Duc d'Espèrnon & Archevesque de Bordeaux, Depose qu'il est en ceste ville depuis quelques iours pour rendre compte audit sieur Archevesque cōme Intendant de la Marine de deux vaisseaux qu'il a fait bastir pour le seruice du Roy, & que ledit iour d'hier il partit avec ledit sieur Archevesque, & l'accompagna es Eglises de S. André, des Peres lesuites & vne autre dont il ne scait le nom; & au retour cōme ils furent pres de ladite Eglise de S. André il veit ledit Duc d'Espèrnon acompagné de ses Gardes & autres gens vestus de hocquetons rouges posez en haye des deux costez de la rue; & ledit sieur Duc d'Espèrnon vint au deuant dudit sieur Archevesque sans oster son chapeau de lateste, & d'abord luy dit plusieurs iniures, entre lesquelles il remarqua les mots d'impudent & de broiillō, & luy jetta son chapeau à terre & la calote qui fut aussi entraïnée; & quelque temps apres continuant quelques paroles qu'il ne pût pas bien entendre veid qu'il auança le bras vers l'estomac dudit sieur Archevesque tenant vn baston noir à la main lequel il luy porta fort prez du visage & ne pût voir si ledit Duc d'Espèrnon frapa ledit sieur Archevesque, parce que le sieur Euesque d' Agen qui estoit entre deux l'empeschoit de voir, & quelque tēps apres

XXX ij

1633_0451.jpg



Le Mercure François. 451

gagne enfin le deuant, passe le Danube à Munderkingue. Le lendemain Aldringuer, beaucoup plus fort en nombre d'hommes que Horn pour auoir semblablement receu le secours que Walstein luy enuoioit, passe aussi le Danube sur vn pont qu'il fit dresser à Gringue, fait tourner teste à son armée du costé de Zvifalte, atcint & charge les Suedois en queuë, en tue 50. ou soixante, leur enleue quelques chariots de viures & munitions, & rien plus; parce que Horn reconnoissant ses forces plus foibles que celles d'Aldringuer, fit auancer ses troupes vers Zvifalte & Pfulinge en bon ordre, & le plus diligemment qu'il luy fut possible.

La disete des viures estoit telle au pais de Wirtemberg, que ny les vns ny les autres n'y pouuoient pas subsister longuement; si bien que d'un costé & d'autre ils recherchoient l'ocasion d'une bataille, afin de n'estre honteusement obligés à la retraite. En effet il y eut vn combat egalemeut à l'auantage des vns & des autres.

Il sembloit que Horn deust maintenant succomber sous les armes des Bavarois, luy faisant la chasse continuellement, nonobstant le renfort que le Duc de Veimar luy auoit enuoyé. Et ne sçait-on pas ce qui fust arriué, si le Rhingraue Otho ne fust venu promptement à son secours. Pour l'intelligence duquel secours il faut sçauoir ce qui se passa en Alsace depuis

Ff ij

Autre combat dans le Wirtemberg

Suedois mal menez en Suane par les Bavarois.

1633_0452.jpg



452 M. DC. XXXIII.

le depart de Horn, en la place duquel estoit ledit Rhingraue.

*Surprise de
Haguenaui
en Alsace.*

Le Marechal Horn n'eut pas plustost pris le chemin de la Suave, que les affaires des Suedois changerent de face en Alsace par la reprise de plusieurs places par les Imperiaux, ainsi que nous auons deja veu, bien que le Rhingraue Orthos'y comportast en tres vaillant & vigilant Capitaine. La perte la plus sensible aux Suedois fut celle de Haguenaui que les Imperiaux surprirent. par le moyen de la trahison & assistance de certains payfans; là où ils assommerent à coups de baston & de leuier les soldats de la garnison, & blesserent Cronec Lieutenant Suedois, de deux coups de mousquet.

*Resolte &
cruauté des
payfans de
Sontgov.*

Depuis il ne se fit point d'entreprisi de grande importance jusques à la reuolte des payfans de Sondgow ou Songow, lesquels s'estans armés par vne resolution desesperée coururent le plat pays, surprirent la ville de Pfirt, en laquelle ils traiterent cruellement les Suedois qu'ils y trouuerent, particulièrement le Gouverneur Erbach, auquel, bien qu'ils luy eussent promis la vie, neanmoins le lendemain, par vne infidelité & cruauté plus que barbare, ils couperent premierement le nez, puis les oreilles, les mains, les pieds, finalement la teste. Vn sien cousin mesme qui l'estoit venu voir de Basle, ne fut pas traité plus doucement. Ils exerce-

Image issue du site mercurefrancois.ehess.fr - Cliché (c) Cécile Soudan